



Tahaqtitauyukhaq

Qilamik Tuhaqtidjutikhaq

Nunavutim ukiuk tamaat aulayukharnik qallakhungnaitumik auladjutikhaq

Iqaluit, Nunavut (Tattiarnaqtuq 23, 2018) – Havagviat Munarhiliqiyitkut atuqhimaqaqyut Nunavunmiunun piyukhat qallakhuktaliqidjutikharnik kapukhirnikkut, naunairutiqaqtuq imaa “qallakhungnaigianganik kapukhirnik”. Tamna kapukhirniq akiqangituq pigiaqaqhunilu tamaini munarhitkuni avatingni Nunavunmi.

“Ukiuk tamaat, amigaitun Kanaitiangit aannialaqivakhimayut huiqpakhetiklu uminga qallakhurnirmi. Piyaangat ukiuk tamaat qallakhungnaigiangat kapukhirnirmik ihuatqiayuuq munagidjutikharnik ilingnik, ilatingnunlu, nuatqatingnunlu nunalaani,” uqallaktuq Taakti. Michael Patterson, Atanilluanguullaktuq Munaqhiliqiyitkunut Aanniarnikkut.

Nunavutim qallakhungniq aulaninga ukiungani aulavakhimayuq Hikutirviami Qiqaqiaqluaqviamun ingataryumikpaktuq Ubluqtuhirviamin Iidjirurviamilu. Piyaangat hiamitigyaangatlu aannirut anirnirlungniq uaqataqlugit algatit unavyaqtumik imarmik ingmiuhiquqitlu; pulatlugu qalakuqtatit; aihimalutitlu havagvingnit iliharvingmitlu aniqhaaktaqnikkut aaniagutiqaguvin.

Qallakhungniq hiamitiqtaaqtungnuaq allanun inungnun. Anniarut hiamitiqtaaqtuq talvuuna qallakhungnakkut, takyungnakkut, kakkikkullu qingarnin. Qallakhungniq naunairutiqaqtuq imaitunik kidjaumaniq, alapaaruhiinaliqtunik, qallaktuinginaqtunik, iyiini qulvinaqhunilu, tataumayutun iinaqtuq qingangit, igialiuhutiklu, niaqurliuniq, iqaiyangit ulugiahungnarhivaktun, hakuikhutiklu, unaguhuinaliuhutiklu. Tamna qallakhungniq aulagiaqaqtuq taima malrungnik qulliniklu ubluinik iningninun. Akuktauguvit ukuninga naunaitkuttingnik, munarhiliadjavutin.

Tamna qallakhungniq kapukhigiangat pigiaqaqtun tamaini munarhitkuni Nunavunmi uvaniilu Nunalaani Munarhitkuni Iqalungni. Naunairumagungni, qaritauyakkut www.flunu.ca.

###



බෙංජාප්ප ප්‍රජා ප්‍රජාත්‍යාමන සංඝී
Building *Nunavut* Together
Nunavut Iluqatigiingniq
Bâtir le *Nunavut* ensemble

Tuhagaqtidjutikhanut Uqaqvikhak:

Gavin Sutton
Tuhaqtipkainirmut Ayuittiaqhimayuq
Aanniaqtailinirmut Havagvik
867-975-5949
gsutton@gov.nu.ca

අදුම් නිවාස මාධ්‍ය ප්‍රකාශක ආයතනය, තුනාත්‍යාමාත්‍රක දායාත්‍රියාත් ප්‍රකාශක සංඝී, www.gov.nu.ca
News releases are available in Inuktitut, English, Inuinnaqtun and French on www.gov.nu.ca.
Tuhaqtakhat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.